

إلى الشاعر المقيم
الأستاذ /
محمد المغربي
مع خالص تحياتي
محمدي زكي

الغنا ... للنور

كشكول عامية مصرية

للشاعر
محمد حجازي



الهيئة العامة لقصور الثقافة
إقليم القناة وسيناء الثقافى
فرع ثقافة بورسعيد
نادي الأدب ببيت ثقافة النصر

تصميم الغلاف : محمد حافظ

الإهداء

إلي أمي ..

الوهج

الذي أنار فأهدي

والذي أعطى فأجزل

وأمل أن تحمل القبس

ابنتي وعد

محمد حجازي

ملء الدنيا



الدخول الأخيه

راجع الملم .. جلد وشى

من تحت أقدام البشر

سجاجيد ..

موكيت ..

وحصير

مشمع .. أكمله

واطلع أرقع م السما

قرنيتى

والحق خرير .. آخر زفير

- لحظة ما يحتضر الربيع -

يلمس شفايف وردتى

وانزع رماح .. قوس الرياح

السابحة فى بقع الدما

أعملها أول سلمة

من سكتى

وأشد آخر خيط من الفجر القتل

وبيه ..

أطير نجمتى

وأشحت من العصافير

تباشير غنوتى

واعصر نوايايا

خلايايا

.. لباب الأنسجة

رشفه ف قلة متلجه
وانذه عليكى بعلو حسى
آن الدخول فى جنتى
آن الدخول فى جنتى
آن الدخول

ميلاد

ف بداية الطلق

بيخرج منك تانى يسوع

من غير ما يلامسك ليل

فتهزي إليكي بجذع نخيل

يتساقط مر ..

يتساقط ويل ..

وشموع المعبد ضى عيون

وجراح بتقيد

والمطره دموع

تتطهر بيها قلوب الخلق

وف عز الطلق

يلتهم الوجع العشب

ويفور الجوع

ويلف العطش الغيم

فيجف الحلق

ف نهاية الطلق

بيخرج منك ألف يهوذا

ينغلق الرول

وملف خصوبتك غلق

ويجيك عقم

.....

وأنا لسه وليدك

متحاش ف وريدك

ف عيوني نهارك

متحنى بعيدك

أنا لسه وليدك

مستنى .. وراضى

مستنى مخاضى

مستنى الطلق

هـ كـ الدائرة

أبدأ ..

نقطة في خضم البحر

ف صراع

مع دوامات الضياع

أخرج ..

مرشوق بسن الشعاع

وتشدني ..

معاندتي للبحر

أنزل

من فوق أقصى ارتفاع

للفاع

ما بين ..

ضفتين النهر

أرجع

ويدفعني الأئين اندفاع

لتيارات القهر

وتأتي ..

أرتحل ..

وارجع

ولا كل مني الامتناع

ولا .. مل صمتي الجهر

وانتي

في رحلتى كنتى
موجى المعافر
جاذب .. ونافر
ريحى المسافر
صخرى اللي باتحت فيه
وقدرتي ع النحر !!

ضد الصدى

صوت :

الشمس تتزوق غمام

والريح بتتشدق بتلفيق الآدان

والأنبيا ..

مارونيت ف ادين الشيطان

قفص اتهام

صدري اللي متبطن جليد

ومعصوبة بلساني

اللى ف شمالها الميزان

والزيف ..

ببتشعبط علي الكفه اللي طبه

والقلب جرح

- ساعة مطول اليأس ف عيون الأطباء -

يطرح ضمور

يوسع قبور

والناس بتتحر حلمها

تشحت به عيد

والحق صار

فوق تابلونات الحظ - في المولد - نيشان

حتى الحمام

ما عاد بيلقط غلتي

ولا عاد يوقف فوق كتافي من زمان

يا نظرتي

ما كفايه زق في الحيطان

يا " لا " لا

كُفى صهيرك

وارفعيه من ع الودان

رجع :

ياللي انت ملتى وانا باستنظرك

مديت لحذك سكتى

وخلطت شكلى بمنظرك

وديت لغاية خطوتك

ندهه ..

ودعوه بالأمان

وزرعت فوق كفك جهاتى

وفتحت لك .. كل البيان

ورصدت لك

قلم النديم

وحصان عرابي

ورهننت حلمي ..

عند غيم ليلي المرابي

بـ (اظهر وبان)

اظهر وبان

اظهر وبان

مذ ورقة النتيجة



الرحيل

كانك فراق
وواجب عزاء ..
لصمت الحكايا
كانك نهاية
لكل ابتداء
كانى فى بعدك
بقايا احتراق
كانك فراق

كأنك أفول

وباب القفول

ف وجه اندفاع النهار الخجول

كأنني في بعادك

مرور المواسم .. ومر الفصول

وينعى الشعاع اجتماع الضياء

وتتعى السحابه زمان الهطول

وينعى ضُمان السفينه الدليل

كأنك رحيل

وسايبه في حضني ..

فراغ سرمدى

وسايبه

اغتراب الأمانى ف غدى

وفائتته ف حلقى

ملوحة محيط المزارع اليباب

كأنك غياب

تهاجر إليك طيور الغنا

تسافر تجاهك

جهات التمني

كأنك ... كأنى

بنفس الشتات

وطعم السكات

ويبقى اختلافنا

ف نوع الموات !!

كسر في إزاز الكون

إلى كامل عيد

أطلق شراعك للمدى وانهض
لو تشتهي لحظة ميلاد الطهر
اسرج لحلمك ألف مهر ومهر
شارك ف طلعة فجرنا لابيض

وانهض

قلبك صديق

كل الأماني المستكينة في الوطن

قلبك طريق

بتعدى منه كرنفالات الأمل

قلبك بحور

دشنت مركب رحلتك للنور

ورهننت صدق محبتك للحرف

يقاسمنا لحظة نشوتك بالبوح

وف وقت ما كان النهار مدبوح

كفكفت دمع السنبلات الخضر

وعشقت " شلبيه " وعنيها السمر

وواسيت رصيف المينا واللائشات

وهمست لبطون المحار بالسر

لابد ترجع لؤلؤات البحر

لوحتى طال الانتظار

قلبك عمار

تراسينه طاله ع النهار

متزوقه

أكاليل أمانى وانتصار

قلبك شباب

قلبك " شباب النصر "

غنوه للفجر اللى جى

بترش ضى

فوق دروب العتمة

لما ف يوم .. هاجر قمرنا واختفى

قلبك دفا

بسمه .. ونسمه .. وأرغفه

حطيت أمانه كل واحد مننا

جنب شباك الحبيب المصطفى

قلبك مواسم عشق ومحبه .. وحصاد

ميه وزاد

ولما دقت مره أجراس المزاد

دفعت مهرک للمدينه

ورفضت " سوق الفالحو "

وأولاد اللذينا

وقبضت علي جمرة غرامك بالبلاد

دمك مداد

مكتوب به علي طول المدي

(الأب لجميع الولاد)

الأب لجميع الولاد

مدنية عصفور كندى

إلى الراحل / حامد البلاسى

اغزل خيوط كلمتك

وافرد قلوب غنوتك

خد ايدي عديني

صلح لي مجدافى

ايدك علي كتافى

تطرح فداديني

بمعاني وقوافي

يا قلبك الوافي

يا حضنك الدافئ

دخلني كتابك

حفضني ف كتابك

بالفلقه قريني

ليه الفراق قاسى

مالي المزار كاسى

يا عطارين دلونى

باهت نضار لونى

همس الفنار نهنه

ذرف الضيا دمعته

أمر المرافي ونهى

أياكوا تتشتتوا

مين اللي غاب من هنا ؟

طفي الرياح شمعته

رد المحار أنته :

غاب سندباد شعرنا

ساب النواح ع الأرق

فوق العيون تتلرق

صورة حداد بحرنا

ليه الفراق قاسى

مالى المزار كاسى

واحتل احساسى

يا عطارين دلونى

باهت نزار لونى

ساد السواد كونى

عصفور كنارى شدا

ينعى النشيد والغنا

يلطم خدود المدي

صاحبى اللى غاب من هنا

صاحبى اللى كان غيته

يلضم حكاوي الهوي

والعشق والدندنه

صاحبى اللى كان يشتهى

يحضن ليلاتى القمر

بين النجوم قعدته

صاحبى اللى غاب من هنا

محسود على رفته

بين الزهور نزهته

بين ورده أو سوسنه

يرصد حدود البها

يجمع رحيق حكمته

يا عطارين دلونى

باهت نضار لونى

ساد السواد كونى

بعدك على عيونى

ليه الفراق قاسى

مالي المزار كاسى

واحتل احساسى

يا عمى يا بلاسى

ضحك وعد

لما بتضحك وعد ..

تفتح كل ورود الكون ف عنيا

وتتيسم لى الدنيا

وتصدح كل بلابل شجر الجنة

وتطرح جوا الروح

كلام مليون أغنيه

لما بتضحك وعد

يا وعد ويا وعوده
يا أم العيون السوده
الكون متزوق بيكى
ما اتى أجمل مولوده
يا وعد ويا وعوده

* * *

لما بتضحك وعد

ترمح فيا خيول المرح أم الجناحات النور

وبيتشاقى الموج

وبتتجن بحور

وبتتحنى بنات الحور

بالترنيمه ..

وسحر الصوت

وبيهها بيبقى الكون مخمور

لما بتضحك وعد

يا وعد ويا وعدايه
بستاننا زاد وردايه
حسنك وجمالك آيه
من آياته المشهوده
يا وعد ويا وعوده

* * *

لما بتضحك وعد
باملك بيها كنوز سليمان
وأمر كل ملوك الجان
لما بتضحك وعد
باشعر فيا بألف ميلاد
وتشيخ جوايا الأحزان
باشعر إني .. كما الاسطوره
وحاسس إني ..
السوبر مان

يا وعد ومكتوب لنا
باسم الله وسمينا
أنتى قمره ليالينا
وانتى الفرحة الموعوده
يا وعد ويا وعوده

* * *

لما بتضحك وعد

تشد وشوش الأرض المتكرمشه تجاعيد

تحبل بطن الصمت العاقر

بالأغنية

وبالتهليلة .. وبالنز غاريد

ضحكة وعد ..

وعد .. بتحقيق الأحلام

ضحكة وعد

وعد .. بأفراح المواعيد

ضحكة وعد

اللى تسرح شعر الشمس

واللى تصحي نجوم الليل

وتلبسها هدوم العيد

* * *

يا وعد يا ضى عيوننا

قمره .. وسمره .. ومن لونا

السعد اتقى يا نونته

والأحلام المنشوده

يا وعد ويا وعد

عرف على
أولاد مقطوعة



عمى

يا دود .. يا شـبـعان م الجـدود
مفـيش لعمـياتك حـدود
ازای بـتـاکل م الجـیـف ..
من بعد تفاح الخـدود !!!

عيد ميلاد

صبحت سنيني ف عداد الميتين
دا عيد ميلادي ولادا موكب حزين
العمر فات .. وساب لي مر الذكريات
ولا فيش ف ايدي غير ورودي الدبلاتين

٥٥٥

يصعب عليّ أمشي وأفوتي
يصعب عليّ سمعي سكوتك
يا اللي فراقك .. مر موت
أمر من دفنك و موتك

قيد

مصلوب علي لسان الأكم

أسير ذله وقيده

وايده ..

جمر الوجع

تعربد ..

تجوس ..

وسط الخضار

ما عاد لي فيه

عود للنهار

أقدر أغامر بيه

واقيده

آهه

الرحله غريبه .. والسبكه توهه
والدنيا غابه والناس وحوش
إن سمعوا ضحكه يسكتوها
وإن سمعوا آهه ما يرحموش

صنم

فجأه اكتشفت انه يا دوب يشبه صنم

حطم بايدہ مادته

رجعت حقيقته للعدم

حررنى من عبوديته

لو اكرهه .. يبقى انظلم

شبابيك



قلبي

لساك يا قلبي بتترسم علي جذع شجره -

وجوا منك كل أحرف أبجديات البشر

لساك حجر

ف ادين صبي

يرمي به غول ..

ملعون غبي

ينزع ستائر الخوف

ويتحدي الخطر

لساك يا قلبي

غريباية عيد ..

علي صاجه سودا

مغروزه فيها قرنفلہ

لساك بتتعلق ضيا

علي صدر بلكونه فرح

لساك زينات

ودليات

بتضوى ف صدور البنات

لساك بطل ..

كل الحكايات المليئة بالغرام

مذكور ف كل الأغنيات

لساك بيوت

يتدارى فيك الهربانين من زمهرير

برد السكوت

يلجأ إليك المحرومين

ميه .. وقوت

وإن جف سيل الحب لوريدك

تموت

تصبح ف دنيا العشق

- لاشواق -

تابوت !!

موال للبحر

أنا رميت الشبك ..

طلع الشبك فاضى (١)

وأنا اللي كان توبى ..

بالرزق فضفاضى

الميه صفحة دهب ..

أما السمك فاضى (٢)

عز عليه البحر ..

يخلا كده وفاضى

قال لى أنا أنصحك ..

بالسر لك فاضى (٣)

موجى كتاب مفتوح

ادخل ف حفاضى

الرزق شئ م القضا

لو تقبله بالرضا

تلقى القليل م الخير ..

زايد عليك فاضى (٤)

(١) خالى

(٢) فضى

(٣) مفضى

(٤) فائض

حكمة القلوب

رحمت الحكيم القلوب
أشكى له جرح الهوى
واحكى علي محبوب
من حبه قلبي انكوى
يكشف عن المكتوب
يرسم طريقنا سوا
ويحلل الميكروب
دمي وجميع ما حوي
يوصف لحالتي حبوب
ع القيد والمسكنوى

يكتب على مشروب
للى ما عمره ارتوى
قابلى وجهه غضوب
وشفت بوزه اتلوي
من قبل ما اخلع له توب
بان ليّا إنه نوى
يعالج المعطوب
ويصلح اللى التوي
سمعتة " آهه " يا دوب
كان رده : جاتك أوه
قوم فز .. لزّم الوجوب
البس هدومك هوا
روح حب أكتر ودوب
وهوا ده الودوا

السيد ك

السيرك ..

هوا نفس السيرك

وأنا لسه بلياتشو ..

بلا كاتى ولا ماتى

وبيجرى .. من تحت منى السلك

وبالف كل الكون ..

وأنا لسه فى مكانى

وكان الأرض بيتى الملك

ألبس وشوش

وانزع وشوش

واغلب وحوش

وأطلع .. نفوق

وانزل ..

أموت

وارجع حى من تاتى

يموتوا الحاضرين م الضحك

معرفش مين بيضحك

منا .. على التاتى !!

تمك

راحت حبيبتي تشتري م. السوق

سطين كلام

ونبتة حلم ..

وحفان الشروق

سلسلت قلبي بالعروق

لبستهولها

وتمتت بالعهد الوثيق

وبكل آيات الوفا

رشرشت دمي ع الطريق

وراحت

راحت حبيبتي

.....

وقعدت أنسج من مرار الانتظار

- من غير ما أدرى -

مشنقه

وأط شوقي للقا

توسع ف عيني

كل المسافات اللي كانت ضيقه

.....

ورجعت حبيبتي

رجعت حبيبتي محمله

بكل الغناوي

متزوقه ..

بكذب الوعود

وبالسراب متكحله

ولما أعتنى الظنون والاسئلة

قالت لى ببساطه وبرود

ما لقيت طريقه للسداد

غير إني ابيع السلسله !!

الوقوف علي
مشارف الظل



السرد .. الناب

مهداه إلي الشاعر

محمد حافظ

تملكنى اللحظة الجايه الشايله الزمن القاتم فيه الحلم

اللاضم فيه .. بهتان الغيم

بُهتان الكلمه بكبو الخيل

تنزع من دمي التغريد

وتصب صديد الصمت ف كل وريد

وتمد مديد السكك المرصوفة بسواد الليل

ترميني باديين الغدر ف قلب غيابة جب الخوف -

الراكذ من تحته عفونة وعد الأوهام

ورتابه أيام اليتم
أرفض تنجدي ادين النخاسة
واتباع ببخاسه
وابلع تاويلي
تورم تراتيلي لغاية الغايه
ياكل من فوقها الطير
الخير .. والآيه
تتخضب بكفوف الإفك عيوني
وقميصي .. بلوني
يوصل للحنن الأعمى
لا فرح ..
ولا شاف
وتظل سنيني عجاف
بسمايا البور ..

ووریدی الجاف

.....

وانا لو أعرف

إن الشمس اللي ف يوم سجدت لی

ح تخون وتغیب

والضی ف وش البدر یشیب

ونجومی تضل تضلم سکى

كنت اتمنیت

لو كانوا سابونی یاکلنی الدیب

سابونی یاکلنی الدیب

یاکلنی الدیب

أسود .. أبيض .. أحمد

الليل أسفلت
متقطع فوق البلدورات
يا نهارنا الميت
وتدوس عجلات " الفاجرة "
احلامنا الضالة
وتطرطش بقع الدم ..
استوب
ون وای السكه
وآخرها جراحك
مالياتنا قروح
وآخرها يروح

علي ألف مثلث برمودا

والمسرح ..

متهياً لمهرج جي

باتنياب دراكولا

وعيون قزاز

مفيهاش ولا ضحكه

يطرحنا الخوف

على نفس السكه

والليل أسفلت

متقطع فوق البلدورات

با نهارنا الميت

وتدوس عجالات " الفاجرة "

أحلامنا الضاله

وتطرش بقع الدم ..

استوب

آخر صلا ك شهر يار

تروحي

يجر جر غيا بك ف روي

تفرط جروي

ف أرض البوار

فيطلع [خريف]

تعودي

يرعرع [ربيع] الرجوع

ف عمري .. وعودي

وتدبل وعودي

لـ [صيف] اغترابى المخيف

تخشى

يطرطش فى وشى

شئات انشطار اشتهاى

وشوقى الشفيف

فيشرق [شتا]

تكونى

مراكز لكونى ..

وهمى .. وسكونى

ويفضل كلامك مباح

وتخرس ديوك الصباح

وتغرق فى توهه الضلام

أخشك .. ف شبه اجتياح

فتحبلى عيونك سفاح

بنور النيون الحرام

الغنا .. للنور

ممدود ف قلبي السكك
فيها الضياء خافت
وف عيني دمعاً ألم
خرجت ولا خافت
هتفت شراقي البور
وقفت الغنا للنور
جأهر .. ولا تخافت

.....

يهوى الفراش افتراش النضار

والتحاف الضيا

يهوي السفر ..

آخر شطوط النهار

آخر حدود الأغنية

يقصد صهاريج الوهج

والموت

.. علي جناحه ابتهج

قابض علي جمرة هواه

ماهمه آه

ولا همه نار

غير أنه يرقص

رقصة النشوة الشفيفه للحياة

من قبل ما ليل الوجع

يرخى الستار

ممدود ف قلبى السكك

صعبه .. وح أوصلها

وفا عيني دمعته ألم

حاسب حواصلها

تخرج هوام وطيور

تقصد عيون النور

مالية حواصلها

.....

داروا الصبايا ..

زينوا الأحلام

عدوا الوريد

مدوا النشيد

وقفوا الايام

هتفوا لبنات الحور

سيبوا قمرنا يدور

سيبوا القمر بسلام

سيبوا قمرنا يرش

فوق الحكاوي النور

ينسج لبكره العش

غنوه بأحلى كلام

سيبوا قمرنا يدور

سيبوا القمر بسلام

.....

ممدود ف قلبى السكك

فيها الضياء فياض

وف عيني دمة فرح

تروى جنان ورياض

قام الأمل زقزق

لما النهار شقشق

مستنى ألف مخاض

إيقاعات نابضة



خديني

خديني ف حضن حضنك

ابقي القلب الحنون

دا أنا لو ماكنتش ابنك

كنت أتمنى أكون

خديني شفقشقه

وراحه من شقا

وروحى المنشأه

علي حبك تهون

دا أنا لو ماكنتش ابنك

كنت أتمنى أكون

خديني تحت أمرك ..

سن ف ترس داير

وثانيه تطول عمرك

وحلم اخضر بشاير

وكلمة حق عنك

وشدة حيل .. وعون

دا أنا لو ماكنتش ابنك

كنت أتمنى أكون

.....

خديني ديني فرضك

نصلي الفجر حاضر

وومضه تشق أرضك

تحيل الجذب ناضر

وورده من جناينك

وفرحة ف العيون

دا أنا لو ما كنتش ابنك

كنت أتمنى أكون

خديني وعدي بيّا ..

شطوط الانتظار

قيمي لك من عنيا

بوابات نهار

وصبي فيّا منك

الحلم بكل لون

دا أنا لو ما كنتش ابنك

كنت أتمنى أكون

مَقَامُ افْتِرَاقِ

لَحْنُ الْبَعَادِ اتَعَزَفَ
أَنْ افْتِرَاقَنَا وَأَزَفَ
زَادَ التَّضَادَ وَاحْتَدَمَ
زَلَّ الطَّرِيقَ بِالْقَدَمِ
وَلَا عَادَ بَيْنْفَعِ نَدَمِ

وَلَا عَادَ يَفِيدُ الْأَسْفَ
مَعَ شَدِيدِ الْأَسْفِ

.....

الزيف موارى الحقيقة
ضلل عيوننا البريئة
حتى القلوب الرقيقة
صارت قوالب خزف
مع شديد الأسف

.....

احلام ربيعنا تهاجر
سكن السكات الحناجر
وبنور عيوننا نتاجر
لما قمرنا انخسف
مع شديد الأسف

.....

المر كاسى الشفاه
والآهه متكشـفاه
مل العليل من شفاه

والجرح أن ونزف

مع شديد الأسف

.....

مع مزيد الأسى

قارب زماننا رسا

على كل ماضى اتسى

وكل عهد اتحذف

مع شديد الأسف

.....

أحاسيس

إلى أطفال الحجارة

أطلق أحاسيسك

واعبر متاريسك

روح ويا اخواتك

واجمع جمراتك

وارجم ابليسك

ارجم ابليسك

.....

هات مر زمان

من تحت اقدامك

ارمي به شيطان

واقف قدامك

والضى ان خافت

أو روحك خافت .. خد قلبي ونيسك

وأرجم ابليسك

.....

شق بانفاسك

زفرات الليل

وارفع هام رأسك

وابدر قناديل

ولا ترجع ميللى

ما يهملك م اللى .. يتم فوانيسك

وأرجم ابليسك

سن الکلمایه ..

بشعاع النور

علم علامایه

ف وشوش الزور

واحفظ کتابتک

وانقش ورداتک

نابضه ف کراریسک

وارجم ابلیسک

ارجم ابلیسک

جھات الانتظار

ابدرينى فوق جھات الانتظار
وافرشى بينا المسافات اخضرار
وان رأيتى الحلم يشرق ف العيون ..
ارسمينى ف كل شكل وكل لون ..
وشوشات البحر لبطون المحار

.....
اكتبينى فوق شفايفك أغنيات
هددينى ولملمي منى السكات
وان شعاع الصديق حاول الانفلات

ازرعيني فوق جبين الليل نهار

.....
املكيني واملكي منى الحياه

اسكنيني وكونى كونى لمنتهاه

انزعى من جوا حلمى الألف آه

واطرحى من غنوتى طعم المرار

.....
ابدأينى .. وابدأى بيا السطور

واعلننى للفراشات والزهور

حرف حب .. وحرف فرح .. وحرف نور

وانقشيني .. وشم عشق فى كل دار

وابدرينى فوق جهات الانتظار

بوحى

بوحى .. يا حياة الروح
باللى .. ف الفؤاد مكنون
محلا .. الكلام والبوح
حتى .. بين عيون و عيون

.....

بوحى .. ردي من بوحى
تبقي قمرى فوق دوحى
يا أجمل زهره ما تفوحى
فكي .. شوقك المسجون

بوحى .. سري بالبووح ده

نكسر قسوة الوحدة

خلى الدينيتين واحده

لمى .. كرنفالنا ف لون

.....

بوحى .. دي الرموش دي حروف

خطى .. فوق خطوط الخوف

خشى .. دايرة المؤلف

كونى .. مهما كان ويكون

.....

بوحى .. وانعمى بالبووح

حبك .. أحلى ما فى الكون

ضحى .. من سكات مدبوح

واعصى .. ظنك الملعون

ورق الدفاتر

ما تقلبش ورق الدفاتر

وتفكريني باللى راح

قلبي بقى احساسه فاتر

من كتر مابه من جراح

إن شفتي أول صورته بالأفراح .. خطوطها بتتكسى

ح تلاقي آخر صفحتين .. متلونين .. مر وأسى

وكتبت ف نهاية السطور " كل اللي فات راح وانتسى "

ما تقلبش .. ما تدوريش

.....

ما تدوريش عن ماضى دار فيه اللى بينا
وبلاش نقولى كان زمان يا زمان وكنا
بقى كل واحد منا .. مختار له طريق
ولا عايش حاجه فينا ترضى حد منا
ما تدوريش مين اللى كانت غلطته ومنه الاسيه
وما تسألش الحق فين .. إن كان عليكى أو عليا
جايز نكون احنا السبب .. أو احنا الاتنين الضحيه
ما تقلبش .. ما تدوريش

.....

ما تدوريش عن ذكريات من أي نوع
وتحاولي بيها تحببيني فى الرجوع
لو أي ذكرى حلوه ح تخليني اطاوئك
تمنعني أنه جرحى .. ومرارة الدموع
ما تدوريش عن حلم .. عشنا سنين ل بكره نزوقه
الحلم ضاع من ادينا .. مقدرناش للحظه نحققه
ما تدوريش عن حب بين قلبين .. خلاص اتفرقوا
ما تقلبش .. ما تدوريش

أغراب

بنروح أغراب .. ونعود أغراب

ينكرنا الدمع علي الاعتاب

من ذكرى لذكرى

ومواسم هجره

خافين من بكرة

وقلوبنا تدور على أحباب

وتروح أغراب .. وتعود أغراب

.....

وف زحمة سوق
الدينا السوء
عمرنا مسروق
بين أنه .. وآهه وليل وعذاب
ونروح أغراب .. ونعود أغراب

.....

وف وقت شروق
ما يشب الضوء
عن اصغر طوق
تغرب احلامنا وتبقى سراب
وتروح أغراب وتعود أغراب

...

ف قلوبنا تتوق
ميت نبة شوق
عشق ومعشوق

وتحن الخطوه لنفس الباب

ونروح أغراب وتعود أغراب

الغربه شقوق

ف طريق مفروق

سهمها مرشقوق

وشم بيصلبنا على الأبواب

ونعيش أغراب ونموت أغراب

الفهرس

م	الفصيدة	الصفحة
طلوع الندا		
١	الدخول الأخير	٧
٢	ميلاد	١٠
٣	مركز الدائرة	١٣
٤	ضل الصدى	١٦
من ورق النتيجة		
١	الرحيل	٢٣
٢	كسر فى إزاز الكون	٢٦
٣	مرثية عصفور كنارى	٣٠
٤	ضحكة وعد	٣٤
عزف علي أوتار مقطوعة		
١	عسى	٤١
٢	عيد ميلاد	٤٢
٣	عدوده	٤٣
٤	قيد	٤٥
٥	آهه	٤٥
٦	صنم	٤٦

م	القصيدة	الصفحة
شبابيك		
١	قلبي	٤٩
٢	موال للبحر	٥٢
٣	حكيم القلوب	٥٤
٤	للسيرك	٥٦
٤	تمن	٥٨
الوقوف علي مشارف الظل		
١	السر الناب	٦٣
٢	أسود .. أبيض .. أحمر	٦٦
٣	آخر صكوك شهریار	٦٨
٤	الغنا للنور	٧٠
ایقاعات نابضة		
١	خديني	٧٧
٢	طقوس افتراق	٨٠
٣	أحاسيس	٨٣
٤	جهات الانتظار	٨٦
٥	بوحى	٨٨
٦	ورق الدفاتر	٩٠



الهيئة العامة لقصور الثقافة
إقليم القناة وسيناء الثقافى
فرع ثقافة بورسعيد
نادي الأدب ببيت ثقافة النصر

رقم الإيداع بدار الكتب
٢٠٠٠/٨٣٤٤

الترقيم الدولي I.S.B.N.
977-324-051-7

دار الإسلام للطباعة والنشر
ت : ٥٠/٣٥٠٤٥٣